

**Naalakkersuisut ikiaroorntunik Kalaallit Nunaannut eqqussuineramik akiuiniarnerup nakussassarneqarsinnaanera pillugu kingusinnerpaamik UKA2016-imi nassuiaammik saqqummiussinissaannik pisussaaffilerneqarnissaannik Inatsisartuni aalajangiiffigisassatut siunnersuut. Tassani allaaserineqassaaq ikiaroorntunik eqqussuineramik akiuineq qanoq nakussassarneqarsinnaanersoq, tassani ilanngullugu tamanna pillugu qallunaat naalakkersuisuinik isumaqatiginninniarnaq. Nassuiaammi aallaaserineqassaaq suliniutit qanorpiaq ittut atorlugit Kalaallit Nunaannut avataaniit tikittunik, pisattanik nassiussanillu nakkutilliineq pitsaanerulersinneqarsinnaanersoq, tamatumalu aningaasaqarnermut inuiaqatigiinnullu sunniutai suussanersut.**

**pillugu**

**Inatsisinut Ataatsimiititaliap**

**ISUMALIUTISSIISSUTAA**

**Siunnersuutip aappassaaneerneqarnerani saqqummiunneqartoq**

Suliarinninnermini Inatsisinut Ataatsimiititaliap ukuninnga inuttaqarpoq:

Inatsisartunut ilaasortaq Anders Olsen, Siumut, Siulittaasoq  
Inatsisartunut ilaasortaq Iddimanggiu Bianco, Inuit Ataqtigiiit, Siulittaasup tullia  
Inatsisartunut ilaasortaq Michael Rosing, Demokraatit  
Inatsisartunut ilaasortaq Laura Tàunâjik, Siumut  
Inatsisartunut ilaasortaq Múte B Egede, Inuit Ataqtigiiit

UPA2015-imi ulloq 29. april 2015 siullermeerinerup kingorna ataatsimiititaliap siunnersuut misissorpaa.

### **1. Inatsisinut Ataatsimiititaliap siunnersuummik suliaqarnera pillugu**

Inatsisinut Ataatsimiititaliap siunnersuummik suliarinninnerminut atatillugu ukiuni assigiinngitsuni suliarineqartarsimasut pillugit Kalaallit Nunaanni politiit nassuiaasiaannik paasissutissanik ujartuisimavoq.

Tamatuma saniatigut Politimesterip tullersortaa ataatsimiititaliamik ataatsimeeqateqarluni ikiaroorntumik eqqussuineramik niuffateqarnermillu akiuiniarlutik politiit iliuuserisaat pillugit nassuiaateqarpoq.

## 2. Aalajangiiffisassatut siunnersuummik assingusumik akuersissuteqarsimaneq, taassumalu sunniutai.

Inatsisinut Ataatsimiititaliap aallarniutitut oqaatigissallugu tungavissaqartippaa, siunnersuutit assingusut ukiuni 2006-imi<sup>1</sup> 2010-milu<sup>2</sup> suliarineqarsimasut akuersissutigineqarlutillu. 2006-imi suliarinninnermi taamanikkut Namminersornerullutik Oqartussaasut ilaatigut imatut paasissutissiipput:

*”Pinaveersaartitsineq atonerluisunullu suliniuteqarnerit naliliiffigeqqinneqarnissaat annertusarneqarnissaalu kiisalu ikiaroorartumik eqqussuinerup niuerutiginninnerullu nakkutigineqarnerisa annertusarneqarnissaat Naalackersuisut sulissutiginalersaarpaat. Eqqussuinermi nakkutilliineq, Danmarkimi timmisartutigut umiarsuartigullu annissuivinni Kalaallit Nunaannilu timmisartoqarfinni umiarsulivinnilu pissaaq. Tamanna sulisut amerlisariaqarnerannik kinguneqassappat taamaaliornissaaq Naalackersuisut isumaginarumaarpaat, matumani aamma ilanngullugu politiit sulisussaap pineqartillugit danskit naalackersuisuinut saaffiginninnikkut”.*

2006-imi 2010-milu akuersissutigineqartut kingunerisigut taamani Naalackersuisuusut nakkutilliineq annertunerusoq anguniarlugu danskit naalackersuisuinik isumaqatiginninniarnerisa inernerinik Inatsisinut Ataatsimiititaliaq ilisimasaqanngilaq.

Taamaattorli Kalaallit Nunaanni ikiaroorartumik pinerluuteqarnerup annertussusaata ineriartornera aammalu politiit tamatuminnga akiuniarnerat pillugit nassuiaammik ataatsimiititaliaq tulliuttuni ilanngussaqaarniarpoq.

Ilisimasat malillugit ikiaroorartooq sakkortooq nunami maani nassaassaanningajappoq. Arlalinnguariaannarluni ilaatigut heroinimik, amfetaminimik kiisalu kokainimik arsaarinnissuteqartoqartarsimavoq, taamaattorli taakku ima annertutiginatik allaat Kalaallit Nunaanni ikiaroorartunik sakkortuunik niuerfissaqarnissaa ilimagisariaqarluni. Taamaallilluni Kalaallit Nunaanni ikiaroorartooq niuerutigineqartoq tasaaneruvoq hash.

Ukiuni kingulliunerusuni nunami maani hashimik arsaarinnissuteqartarnikkut ineriartorsimaneq takussutissiami matuma kingulianiittumi ersersinneqarpoq:

	2003	2004	2005	2006	2007	2008	2009	2010	2011	2012	2013	2014
Kg	63	68	72	58	48	43	183,5	36,1	39,4	50,8	73,7	54,9

<sup>1</sup> UKIU2006/95: Ikiaroorartut anngiortumik nunatsinnut eqqussorneqarnerisa millisarnissaat siunertaralugu sulinerup annertusarneqarnissaanik Danskit naalackersuisuinut isumaqatigiissuteqarnissamik Naalackersuisut peqquneqarnissaanik Inatsisartut aalajangiiffisassaattut siunnersuut.

<sup>2</sup> UPA2010/22: Inatsisartuni aalajangiiffisassatut siunnersuutigaara, Nunatsinni naalackersuisut Qallunaat Nunaanni naalackersuisunut isumaqatigiinniarnermik aallartitsissasut, nunatsinni ikiaroorartup atugaaneranut tuninierneqartarneratalu akiornierneqarneranut, Qallunaat Nunaanni nunatsinnilu politiit suliniutinut annertusaanissamik suleqatigiinnissaat siunertaralugu.

Ukioq 2009-p hashimik annertunerpaamik arsaarinniffiuneranut tingerlaasersorluni angallammi hashi 118 kg-mik oqimaassusilimmik toqqorneqarsimasumik nassaartoqarsimanera pissutaaqataavoq.

Kalaallit Nunaanni arsaarinnissutit nunamit annissiffimmit, assersuutigalugu Kastrupip mittarfiani kiisalu Ålborgimi arsaarinnissutinik ilaqarput.

Haship anngiortumik nunatsinnut eqqunneqartup ilaa qanoq annertutigisoq politiinit ilanngaaserinermillu oqartussaasunit arsaarinnissutigineqartarnerisooq soorunami qularnaatsumik oqaatigineqarsinnaanngilaq. Tikkuussisorli pitsaasoq tassaavoq haship aqqusinermi tuniniarneqarnermini akia. Niuffaffimmi hashi tuniniarneqartoq minneruppat taava akia qaffasinnerusaaq. Ullumikkut Nuummi aqqusinermi hashi gramimut 500- 1000 kr-illu akornanni akeqartartoq politiit Inatsisinut Ataatsimiititaliamut paasissutissiissutigaat. Taamaattorli akiusooq – Nuummi nunatsinnilu sumiiffinni allani – nikerarsinnaavoq, tamannalu assersuutigalugu politiit arsaarinnittarnerisigut eqquussukkat aalaakkaanngitsuunerat takuneqarsinnaavoq.

Nunatsinni hashimik tuniniaanermi aningaasat isertitat arsaarinnissutigineqarsimasut ataani takussutissiami ersersinneqarput:

	2004	2005	2006	2007	2008	2009	2010	2011	2012	2013	2014
Mio. kr.	2,8	4,5	2,7	3,4	3,9	2,2	x	x	x	5,1	4,3

Nunami 2010-miit 2012-imut hasheerniarnermi aningaasat isertitat arsaarinnissutigineqartartut ineriartornerat pillugu kisitsisitigut nalunaarsuutit politiit ukiumoortumik nalunaarusiaanni ersinngillat. Piffissami tassani hasheerniarnermi aningaasat isertitat arsaarinnissutigineqartut immikkut kisitsisitigut nalunaarsorneqarsimannngillat.

Haship arsaarinnissutigineqartup annertussusiata takutitsisuunera assigalugu hashimik nioqquteqarnermi aningaasat arsaarinnissutigineqartartut nunatsinni ikiaroorntumik pinerluuteqarnerup qanoq annertutigineranut aammalu politiit suliniarnerisa sunniuteqarneranut<sup>3</sup> takussutissaapput.

Aamma tamanna atuuppoq ikiaroorntut pillugit inatsisinik unioqqutitsinerit amerlassusiisa nalunaarsorneqarnerini:

<sup>3</sup> Aammattaq kisitsisit ersersippaat Kalaallit Nunaanni hashimik tuniniaanermi aningaasanik qanoq annertutigisumik kaaviiartitsisoqarsimanersoq. Politiit paasiniaasarnerannit ilisimavarpup Kalaallit Nunaanni hashimik tuniniaanermi iluanaarutit ilarpasui, Danmarkimi tunuliaqutaasut iluanaarutaattut hashimillu pisiniaqqinnissamat akiliutissatut, nunatsinnit anninneqartartut.

	2003	2004	2005	2006	2007	2008	2009	2010	2011	2012	2013	2014
Unioqqutitsin erit amer- lassusaat:	433	545	413	477	550	551	554	509	473	574	585	629

Kalaallit Nunaanni hashimik anngiortumik eqqussuinermit hashimillu tuniniaanermi ajornartorsuutit pillugit misissueqqissaarneq Kalaallit Nunaanni politiinit naalagaaffiup politiiviniq suleqatigalugit 1992-93-imili ingerlanneqarpoq. Misissueqqissaarneq ima periuseqarnissamik kinguneqarpoq:

- Aqqusinerni imerniartarfinnilu il.il. nakkutilliinerup annertusineratigut hashimik tuniniaanerup ersiinnartup akiorniarneqarnera
- Tunuliaqutaasunik akunnermiliuttunillu nakkutilliineq paasiniaanerlu
- Politeeqarfinnut tamanut atuuttumik Nuup politiivisa ataani ataqatigiissaarisunik pilersitsineq
- Politeeqarfinni anginerusuni politiini attaveqaataasussanik pilersitsineq
- Ikiaroorntoq pillugu paasiniaasarneq pillugu pikkorissartitsineq
- Politiit kiisalu Kalaallit Nunaani, Danmarkimi, Savalimmiuni aammalu Islandimi ilanngaaserinermik oqartussaasut akornanni suleqatigiinnerup nukittorsarneqarnissaa
- Piumaneqarnerata annikillisinneqarnissaa siunertaralugu pinaveersaartitsisunik suliassaqrarfiit akimorlugit suleqatigiissitani peqataasarnissaq

Tamatununga naapertuuttumik immikkut paasiniaasartunik (ikiaroorntulerisunik) politimestereqarfiup ataani 1997-imi pilersitsisoqarpoq. Ikiaroorntulerisut Nuummi inissisimapput, nunali tamakkerlugu atuullutik. Ilaatigut ikiaroorntumik suliassat anginerusut suleqatigiinnit paasiniaavigineqartarput aammalu nunap immikkoortuini politeeqarfinni paasiniaanermik ikiuuttarlutik.

Ikiaroorntoq pillugu nunatsinni tamani pissutsit pillugit paasissutissat qanoq ittulluunniit ikiaroorntulerisunit katersorneqarlutillu nalunaarsorneqartarput, paasissutissallu taakku naalagaaffiup politiivisa nuna tamakkerlugu paasiniaanermut qullersaqarfianut ingerlateqqinneqartarput, tamatumalu kingorna ikiaroorntumik pinerluutiniq paasiniaanermi siunertaqartumik atorineqartarlutik.

#### Politiit qimmii :

Politiit marlunnik assigiinngitsunik immikkut sungiusakkanik qimmeqarput politiit ikiaroorntoq pillugu akiuiniarneranni atorineqartartunik: nalinginnaasumik nakkutilliinermit hashimillu ujaasinermit qimmit (hashimik ujaasinissamut akuerisaasut) kiisalu qimmit ikiaroorntunik ujaasisartut (hashimik kiisalu ikiaroorntunik allanik ujaasinissamut akuerisaasut).

Politeeqarfiit Kangerlussuup Narsarsuullu mittarfiinut akisussaasut kiisalu Nuummi

ikiaroorntulerisut qimmimik ikiaroorntumik ujaasisartumik tamarmik ataatsimik peqarnissaat politiit anguniartuarpaat.

Qimminik nalinginnaasumik nakkutilliinermi hashimillu ujaasinermi aamma ikiaroorntunik allanik ujaasinermi atugassatut akuerisaasunik Kalaallit Nunaanni politiit ukiuni kingullerni qassinik peqarnersut takussutissiami matuma kingulianiittumi takutinneqarpoq. Takussutissiami aammattaaq takuneqarsinnaapput hashimik ikiaroorntumillu ujaasinerit ukiuni pineqartuni qimminit peqataaffigineqartut amerlassusaat.

2003	Nalinginnaasumik nakkutilliinermi hashimillu ujaasinermi qimmit pingasut Ikiaroorntunik ujaasisartoq qimmeq ataaseq	Ujaasinerit 136-it
2004	Nalinginnaasumik nakkutilliinermi hashimillu ujaasinermi qimmit tallimat Ikiaroorntunik ujaasisartoq qimmeq ataaseq	Ujaasinerit 309-it
2005	Nalinginnaasumik nakkutilliinermi hashimillu ujaasinermi qimmit aqqanillit Ikiaroorntunik ujaasisartoq qimmeq ataaseq	Ujaasinerit 440-it
2006	Nalinginnaasumik nakkutilliinermi hashimillu ujaasinermi qimmit arfineq marluk Ikiaroorntunik ujaasisartoq qimmeq ataaseq	Ujaasinerit 439-it
2007	Ilisimatitsissutigineqanngillat	Ujaasinerit 434-it
2008	Ilisimatitsissutigineqanngillat	Ujaasinerit 466-it
2009	Ilisimatitsissutigineqanngillat	Ilisimatitsissutigineqanngillat
2010	Ilisimatitsissutigineqanngillat	Ilisimatitsissutigineqanngillat
2011	Ilisimatitsissutigineqanngillat	Ujaasinerit 422-it
2012	Ilisimatitsissutigineqanngillat	Ujaasinerit 393-it
2013	Ilisimatitsissutigineqanngillat	Ujaasinerit 708-at
2014	Politiit qimmii arfinillit nalinginnaasumik nakkutilliinermi ikiaroorntumillu ujaasinermi atorneqartartut	Ujaasinerit 390-it

2014-imut kisitsisinut tunngatillugu politiit paasissutissiissutigaaat aamma qimmit allat pingasut sungiusarneqartut. Tamatuma saniatigut politiit paasissutissiissutigaaat politiit qimmiisa amerlineqarnissaannik siunissamut pilersaaruteqartoqanngitsoq

Piffissami 2005-imiit 2014-imut ujaasinerit ukiumut 400-t 450-illu akornanni amerlassuseqartarsimapput. Tassa 2003-mut naleqqiullugu pingasoriaammik amerlanerusarsimallutik. Aammattaaq oqaatigineqassaaq 2013-imi ujaasinerit ukiuni allani ujaasinerit marloriaatingajaannik amerlassuseqarsimasut (ujaasinerit 708-t). Taamaalilluni

2004-2005-imit siumullu politiit ikiaroonartumik akiuniarnerata ilaata taassuma malunnangaatsiartumik nukittorsarneqarsimanera kisitsisit uppersarsinnaagunarpaat.

Ikiaroonartulerisut inuttalersugaanerat :

Ukiuni kingullerni ikiaroonartulerisut inuttalersugaanerat takussutissiami ersersinneqarpoq:

2003	Ulluinnarni aqutsisoq politiit ilinniagaqarsimasooq ataaseq Politiit ilinniagaqarsimasooq suleqataasooq ataaseq Vicekriminalkommissæri DK-imeersoq ataaseq (ukiup qiteqqunnerani aatsaat suleqatigiinnut ikkuttooq)
2004	Vicekriminalkommissæri DK-imeersoq ataaseq Politiassistentit nunatsinneersut marluk (aappaa suleqatigiinnut ilannguppoq aatsaat ukiup qiteqqunnerani)
2005	Kriminalassistenti DK-imeersoq ataaseq Politiassistentit nunatsinneersut pingasut (ataaserli suleqatigiinnut ilannguppoq aatsaat ukiup qiteqqunnerani)
2006	Kriminalassistenti DK-imeersoq ataaseq Politiassistentit nunatsinneersut pingasut
2007	Kriminalassistenti DK-imeersoq ataaseq Politiassistentit nunatsinneersut pingasut
2008	Kriminalassistenti DK-imeersoq ataaseq Politiassistentit nunatsinneersut pingasut
2009	Ilisimatitsissutigineqanngillat
2010	Ilisimatitsissutigineqanngillat
2011	Ilisimatitsissutigineqanngillat
2012	Ilisimatitsissutigineqanngillat
2013	Politiassistentit tallimat
2014	Politiit/politiassistentit marluk, sulianillu ataqatigiissaarisoq.

Politiit kisitsisinut tunngatillugu tamatuma saniatigut oqaatigaat, sulianik ikiaroonartulerinermik inatsisinik unioqqutitsinermut tunngassuteqartunik suliaqartut taakkuinnaanngitsut. Tassami suliassat taamaattut politiit ilinniarsimasut tamarmik pingaartitarpaat suliarisarlugillu.

Ikiaroonartulerisulli Kalaallit Nunaanni killeqarfinnik pingaarnertut aamma nakkutilliusussaataapput. Schengenimut suleqatigiinnermut atatillugu angalasut nunanit allanit iserniartut aniniartullu Schengenimut suleqatigiinnermut ilaanngitsut isernermi anermilu nakkutilliivigineqartassapput. Ingammik aasaanerani umiarsuit takornariartaatit amerlilaluttuinnartut Kalaallit Nunaannut tikitalernerat pissutaalluni ikiaroonartulerisut sulinerikkut tatineqarnerat annertuseriarsimavoq.

Ikiaroonartumik pinerluuteqarnerit akiorniarnerni suliniutit nukittorsarneqarnissaannut politiit periarfissaat pillugu danskit naalackersuisuinik oqaloqateqarsinnaanermi tamatuma

ilanngunneqarnissaa isumaliutigeqqullugu Naalakkersuisut Inatsisinut Ataatsimiititaliamit kaammattorneqarput.

Ikiaroorartumik eqqussuinermit nunatsinni ilanngaaserinermit akileraartarnermillu oqartussaasut nakkutilliinermit suliaat naatsumik

Nioqqutissanik eqqussuinermit, tassungalu ilanngullugu ikiaroorartunik inerteqqutaasunik eqqussuinermit aamma nakkutilliineq Akileraartarnermut Aqutsisoqarfiup isumagisaraa.

Ilanngaaserinermit akileraartarnermillu oqartussaasut Mittarfeqarfinnik aammalu Tele Post Greenlandimik isumaqatigiissuteqarput, tamatumani sulisut immikkut toqqarneqartut eqqussukkanik nakkutilliinissamut, tassunga ilanngullugu ikiaroorartumik nakkutilliinissamut piginnaatinneqarlutik.

Akileraartarnermut Aqutsisoqarfik Aalborgimiit Kalaallit Nunaannut nassiussat misissorneqartarnissaat pillugu Danmarkimi SKAT-imik suleqatigiinnissaq pillugu isumaqatigiissuteqarpoq, soorlu tamanna Naalakkersuisut akissuteqaamminni oqaatigigaat, soorluttaaq Københavnimiit Kangerlussuarmut angalasut aallalerneranni, ilanngaaserisunik qimminillu ikiaroorartorsioartartunik najuuttoqarluni misissuisoqartartoq.

Kiisalu ilanngaaserinermit akileraartarnermillu oqartussaasut politiit ingerlalluartumik suleqatigaat.

Kalaallit Nunaanni ilanngaaserisut akileraartarnermillu oqartussaasut ullumikkut pingasunik ikiaroorartorsioartartunik pingasunik qimmeqarput, sulilu qimminik marlunnik pissarsinissartik pilersaarutigalugu. Maannakkut sisamanik ilanngaaserisoqarput, sulilu ilanngaaserisumik ataatsimik atorfinititsinissartik pilersaarutigalugu.

Scannerummik containerikkut angallanneqarsinnaasumik Kinami 25 mio. kr.-inik akilerlugu pisiamik danskit ilanngaaserinermit akileraartarnermillu oqartussaasui 2006-imiilli peqarput. Scannerut lastbiilinu ikkunneqarsimavoq, taamaalillunilu danskit tyskillu killeqarfiata Danmarkimilu umiarsualiviit assigiinngitsut akornanni ajornanngitsumik nuunneqartarsinnaalluni. Aalborgip umiarsualiviani Kalaallit Nunaannut nassiussat usilersorneqarnerannut atatillugu scannerut aamma atorneqartarpoq.

Iliuseqarnerup sakkortusineqarnissaanut tunngatillugu Naalakkersuisut akissuteqaamminni imatut oqaaseqarput:

*"Akileraartarnermut Aqutsisoqarfik, tikinnermi misissuisarnerup aamma nioqqutissanik eqqussuinermit annissuinermit nakkutilliinerup annertusarneqarnissaanut atugassanik amerlanermit 2014-imi aningaasaliiffigineqarpoq. Aningaasat ilaatigut Kangerlussuarmi allaffiup ataavartup misissuisarfimmik initallip, Akileraartarnermillu Aqutsisoqarfiup ukioq kaajallallugu atoragassaata pilersinneqarneranut atorneqarput.*

*Inunnik scannerummik Kangerlussuarmissaaq inissineqartussamik pisinissamut neqeroorutit Akileraartarnermut Aqutsisoqarfiup maanna suliarai. Inunnik scannerutip 2016-ip ingerlane-rani tiguneqarlunilu ikkussorneqarnissaa naatsorsuutigineqarpoq, ikkussorneqarneralu ilan-ngullugu 1,5-iniit 2,0 mio. kr.-it tungaannut akeqassangatinneqarluni. Eqqortussaq pillugu oqaatigineqassaaq inunnik scannerutip inuit pisataat takutissinnaanngimmagit, taamaallaalli inuit saarni timillu pisatarinngisai suugaluarnersut takutissinnaallugit.*

*Akileraartarnermut Aqutsisoqarfik ilanngaaserisumik suli ataatsimik 2014-imi atorfinitsitsil-lunilu qimmimik ikiaroorartunik ujaasisartumik suli ataatsimik, maanna sungiusarneqartu-mik pisisimavoq..”*

*”Tassa oqartoqarsinnaanngikkaluarpoq tamatumunnga ”sorsunnissaq” piareersarneqartoq, kisi-anni pisortat oqartussaasut, matumani pineqarput Namminersorlutik Oqartussat, SKAT Dan-mark Kalaallillu Nunaanni politiit ikiaroorartunik atornerluinermik eqquusuinermillu akiui-niarnermi naammattumik iliuuseqarnerisut, imaluunniit allatut pitsaanerusumillu iliortoqarsin-naanersoq nalilersorneqartuartaqarpoq..”*

#### **4. Inatsisinut Ataatsimiititaliap aalajangiiffigisassatut siunnersuummut oqaaseqaatai**

Ukiuni kingullerni hashimik arsaarinnissutit annertuut pillugit tusagassiorfiit nalunaarutigisartagaat pissutigalugit isumaqarnarsinnaavoq hashimik anngiortumik eqquusuineq annertoorujussuarmik annertusiartortoq. Paasisutissalli pigineqartut taama inerniliinissamut immiini tunngavissiiingillat, tassami tamatumunnga aamma pissutaasinnaammat politiit (aammalu ilanngaaserinermik akileraartarnermillu oqartussaasut) suliniuteqarnerisa sunniuteqarnerulernera.

Aammattaaq Danmarkimi politiinit ikiorneqarnertik Kalaallit Nunaanni politiit annertuumik iluarisimaaraat ataatsimiititaliap tusaramiuk nuannaarutigaa. Naalagaaffiup politiivini aammalu Danmarkimi politeeqarfinnik ataasiakkaanik suleqateqarnerit pitsaasorujussuusut taaneqarput. Kalaallit Nunaanni politiit ikiorneqarnissamik saaffiginnissutaat tigulluarneqartarput, soorluttaaq ikiaroorartumik ujarlernermi naalagaaffiup sinnerani politiit Kalaallit Nunaannut attaveqartarnissaq annertuumik eqqumaffigigaat. Aamma Danmarkimi nunatsinnilu ilanngaaserinermik akileraartarnermillu oqartussaasunik, Arktisk Kommandomik allanillu suleqateqarneq ingerlalluarterujussuuartut oqaatigineqarpoq.

Taamatuttaa q tunup eqquusuineri isaariatut atorneqarsinnaanera Inatsisinut Ataatsimiititaliap Naalakkersuisunut maluginiaquaa.

Nangillugulu puigorneqassanngilaq nunami maani hashimik pinerluuteqartarnermut akiuiniarnermi – soorlu tamanna Naalakkersuisut Inatsisartullu siusinnerusukkut erseqqissarnikuugaat – pinaveersaartitsinerup hashimillu atornerluinermut katsorsaasarnerup qitiusumik pisarialittullu ilaatinneqartariaqarmat.

#### **5. Inatsisinut Ataatsimiititaliap inassuteqaataa**

Ataatsimiititaliap isumaqatigiittup siunnersuutip akuersissutigineqarnissaa inassutigaa.



**Taamaattorli ataatsimiititaliap Naalakkersuisut kaammattussavai,** nassuiaatip UKA2015/105-imut tunngassuteqartup UPA2016-imi saqqummiunneqarneranut peqatigitillugu Inatsisartunut nassuiaat saqqummiuteqqullugu, tamanna ajornanngippat.

Inatsisinut Ataatsimiititaliap taamatut oqaaseqaateqarluni siunnersuut aappassaaniigassanngortippaa.

---

Anders Olsen  
Siulittaasoq  
*Siumut*

---

Laura Tàunâjik  
*Siumut*

---

Michael Rosing  
*Demokraatit*

---

Múte B Egede  
*Inuit Ataqatigiit*

---

Iddimangiiu Bianco  
*Inuit Ataqatigiit*